

ლიტერატურული გაზეთი



№2 (258) 31 იანვარი - 13 თებერვალი 2020

ბამოლის ორ კვირაში ერთხელ, პარასკეობით

ფასი 80 თეთრი



ბესიკ ხარანაული

ახალწლისა...

ადამიანს თუ უნდა თავის თავი წინ დაიყენოს —
საუკეთესო დრო ახალწლის ღამეა.

ვინღა იცინოს, თუ არა ტიტველმა?
ვინღა გაიხაროს, თუ არა მშიერმა?
ახალი წელია,
— ვინღა!
დედამიწას მილოცვა სწყურია,
— ვინღა!

მდიდრები გლოვობენ,
მაძღრები წუხან,

სიხარული ეძებს პატრონს და ვერ უპოვნია,
სიცილს არ იწებებს არავის ბაგე,
ყველას თავის ნაქცეული ღიმილი ურჩევნია.

ტიტვლებმა იცინონ,
მშივრებმა იხარონ,
ტიტვლებმა მშივრებს უთხრან — გილოცავ!


წაყვანილი ჰყავს ახალწელს ხალხი —
გასაჭირის გაყოფა შეუძლიათ, განძისა — არა.


ვინღა იცინოს, თუ არა ტიტველმა,
ვინღა გაიხაროს, თუ არა მშიერმა?

ახალწლის ღამე
დედამიწას ვინღა მიულოცოს.

მშიერმა, ტიტველმა.

IV-VI





ბესიკ ხარანაული

ადამიანი არაკონკურენტულისადმი გულგრილი არის, სახლი რომ დაინგრევა, მერე იკითხავს: — ვისია სახლი?

5 უფრო დიდ სახლში ვერ დავეტეოდი, უფრო დიდი სახლი ვინრო მექნებოდა. ჩემი სახლი ტანზე მაცვია, თავზე მახურავს, ვის უნდა სხვის ტანში? სხვის ქუდში ვის უნდა? სიყვარულში ადამიანი სუსტია, სიძულვილში არის მაგარი. ბრმა ეძებს ხედვას, ბრმას თავისი თავი სულ წინ მიუძღვის...

მკითხავი ქალი არც ლამაზი იყო, არც უხეში, სამაგიეროდ იყო ხუთ-ნაქმარევი და, მითუფრო მკითხავი, მითუფრო უმანკო და ზნეკეთილი. ასე რომ, გარეთ რომ არ ახედებენ ქალებს, ბრიყვების მოდგმა.

ამ ქალისკენ რომ მივდიოდი, გზაზე ვილაღ ნაცნობმა თვალი ამარიდა, ამ გრძნობით ვიყავ, მოკრძალებით რომ წარვუდგეი... — აბა, რა ხდება? მკითხა და მიყურა... — ადამიანები თვალს მარიდებენ, თითქოს ეშინიათ! — ეგ იმიტომ, რომ, ადამიანს გამჭოლად ხედავ. — პირიქით, ბრმასავით ვარ ადამიანზე. — ბრმა სულ ხილვავია, ის ჩვენსავით თვალის ჩინს არ იყრის, არ დგაფუნობს, ტაშტივით არ ღვრის, უქმად არ ხარჯავს. ამიტომაც ღრმად აღწევს კაცში...

— უხეშ ქვეყანაში წესიერმა უძღურის ჯავშანი უნდა ატარო, მხედველმა — ბრმისა.

6 რაზე უნდა დადგეს კაცი გაღვიძებული? ფეხები ძირს გადმოუყრია, იყურება, რას დაენაბროს? იატაკი აყრილია, მინა გადათხრილი, გარშემო ზღვაა, ამისი კარგიც!.. კაცისთვის კი მინა, სწორედ რომ ზღვამდე!

ეს ბრაზიც რომ საძებარია! ეშმაკი მიშალავს, ეშმაკს აშინებს კაცის ბრაზი, იცის, რომ დაუღრენს... უბრაზოდ კაცმა რა უნდა დაწეროს!

რა კითხვაზე უნდა შედგეს კაცი, ძველები რომ ნაპასუხებია! რაზე აშენდეს, ძველი მინა რომ ნაძრავია? არადა, რომ ენდო რამეს, მყარიც უნდა იყოს და, მშვენიერიც. სანდო ყოველი — კაცისთვის — ქალწულბერივია, გახეული ფარდიდან ვილაღ იყურება.

მაგრამ რაზე დადგეს კაცი გაღვიძებული, მოტყუებული, ძალანართმული? — უბრაზოდ კაცმა რა უნდა დაწეროს! ნამდვილი რომ თქვას, ვერაფერს გაიგებს: სინამდვილეში, კაცის აზრი სრულიად გაუგებარია — ასეც უნდა იყოს, გასაგები გაკიდულ სარეცხივითა...

საიდან უნდა დაიწყოს კაცმა, გათენდა და მზემ ხაზი გაუვლო, განათდა და დღემ მისცა ნიშანი. — აბა, კაცო, აზრებს ნუ ეძებ, ცხოვრებას ჰყავს ლაჯებში მომხრჩვალნი...

ნითელი წყლით მთვრალია მინა.

სად დადგეს კაცი, თუ ცაშია, სად ჩამოვიდეს, კიბე — წყალში, წყალი განავლისა — როგორ იკადროს... არც ბრაზი აქვს, არც საფურთხალი...

არც მართა იყო ვინმეს ქალი, არც მარიამი, მინის საყვირი ღრუბლებში ჩანდა, ცის თავში ჩანდა მათი მიჯნური. მასუკანაა, ქალს თუ სურვილი აქვს, გველის ლობეც კი ვერ დაიჭერს.

აბა, სცადეთ და ჩემსავით ტიტველმა იარეთ... — შეიმოსეთ, შეიმოსეთ, რომ არ შეგაფურთხონ!

ადამიანი: ხომ არა ვარ მეც ისეთივე?

1 ბუნებაში ცხოველი ცხოველს ჰგავს, ფრინველი ფრინველს, ადამიანი კი გამოიცინობა.

ხომ ამდენი დანერვილა ადამიანზე, ხომ ლაქებივით შერჩა მთვარესავით, მაგრამ მოვა ახალ სილაშემოკრული და წიგნს მოიკითხავს: — ადამიანი? — არაა აქ ასეთი წიგნი.

ხომ ნახა ღმერთმა წყლის პირას მკვდარი, ხომ ჰქონდა შუქი ტანზე ჩამოღვრილი, ხომ მოეწონა, ხომ ჩაუღო გულში სიყვარული, ხომ გზაზე გაუშვა, ხომ იყო დრო ფიფქთ გადავლისა და მწვანის ამოსვლის, დრო, მინის საფუარად მოსული წვიმისა, დრო პირუტყვთა ხურაობისა, დრო ბატონისა და ნამიან ბალახის პირველ შეხვედრისა, — მე რაღას მერჩით? რომელსაც მინდა ვიყო — არა ჩემსავით.

2 შორიდან ადამიანი საშიში არ არის, — ჩემსავით. ვინც მარტოა, წრიალებს, — ჩემსავით. ახლოდან ადამიანი — როგორც ვეფხვს ეწვით გალიაში, მგონია, რომ ტურაც დაგიმადლის, მგელი, ფარშევანგი... კოცონი გაგათობს, არ შემოგახტება, მგელი არ შეგჭამს, თუ ზამთრის ღამეში ტყეში არ მიგიხმო. ადამიანები მიგინებებენ, ლურსმანივით ვერ დაეხსნები, სათაგურისხელა სოფელშიც ის ხდება, რაც სამხეტისხელა ქალაქში.

ასე არ იყოთ: მკვდარს მკვდრისა აცალეთ, ნერვები ადამიანს ძირს ეწვეიან, დახრიან, დახრიან, თავს ველარ აწევენ, რომ დაუძახონ, ეტყვის — დაბლა ვარ, მალლა ნუ მეძებთ... შერცხვება, შესცივა, ვერაფერი გაათობს.

მკვდარს არ უჭირს თავი. ცოცხალი მკვდარი ვერ იქნება, ვერცკი ითამაშებს. ცოცხლები ერთმანეთს მეტობას ეჯიბრებიან, — მეტი კი წინ უწევთ.

სხვა გამოსავალი ვერ ვნახე: — ცოცხალმა თავისში მოაწყოს თეატრი. მაყურებელი სულ ეყოლება, დასიც მრავალი, ადამიანის აზრი მიდის დიდი პირობითობისკენ, თუ წამია საუკუნე და ერთი — ათასი, ასეთია ადამიანიც, მდულარე, მდულარე, სანამ მკვდრის გვამში არ ჩაასხავენ.

ადამიანი არ იჩერებს არაფერს, რომ შიგ თვალთმაქცობა არ ჩააქსოვოს.

ადამიანი: ხომ არა ვარ მეც ისეთივე?

3 ადამიანის თვალს არ ენდობა ცხოველი, ადამიანის თვალეზიან თავზე დაფრინავს ფრინველი, ადამიანი ბუნებაში არაფერს არ უყვარს, ადამიანის თვალი ბუნებაში ყველაზე დიდი მხეცია, ყველა გაურბის...

ადამიანი უარყოფის ნიჭით განვითარდა, ამიტომაც ბუნების ცოდნა კვანძებითა აქვს გადაბმული, ადამიანში არაა უწყვეტობის ნიჭი, ასო-იოგებივით ყველაფერი გადაბმული აქვს.

ბუნებაში არაფერია ადამიანისა, ესაა, რითიც ვითარდება ადამიანი, რომ ბუნებაში არაფერს არ უყვარს.

ადამიანმა თუ მეტაფორა დაკარგა, ისე დაეცემა, რომ ველარ ადგება. ადამიანი კიდევ იმითაა, რომ ცოდნა და არცოდნა ერთმანეთის მჯობინობაზე აქვს — ორივე კი ღვთისგან.

მელია ხეს არ აფსამს, თავისი ბუნებით. კვალს უფრთხილდება. კაცი ხეს აფსამს და კვალს არ ტოვებს, თავის ბუნებით.

4 მიცვალებული ისეა, თითქოს ჯერ არ დაბადებულა, თითქოს ჯერ არ შემოუტყაპუნა ჩვილის ამხმელმა, რას აღარ უკრავს შიგნით და გარეთ კი რა სინყნარეა, ცხოვრების რიტმში, ხელ-ფეხის ტრიალში რომ ხედავენ ამაოებას და კაცისგან გამოტანილი კი, მხოლოდ — სულისკვეთებაა, დახურულში, თავის შიგნით, არც აწვიმს და არც რომ ქარია — ადამიანი არაკონკურენტულისადმი გულგრილი არის, სახლი რომ დაინგრევა, იკითხავს მერე — ვისია სახლი?

მინაში მარცვალს პირი გაეხსნება და ღივი ამოვა. ამიტომაც ახსენეთ: — ცოცხალი ნაჭუჭში და მკვდარი — ღივში.

ცხოვრების რიტმში კაცი შიგნით უკრავს, ხელ-ფეხი, მუსიკა კაცს შიგნით შეაქვს, ყოველი წამი ეუბნება, რომ ცოცხალია, ყოველი დილა ისე მნიშვნელოვანია, თითქოს დაბრუნდა, ჯოხს აიღებს, გაიხედავს და სიტყვას დაძრავს: — ჭალს რა უნდა ჭერზე, ჯოხი სად წავიდეს?

ფეხშიშველიც ბოლს ვადენ მინას.

მღვდელზე წმინდა რომ იქნები და ბერზე დახშული, ხოა ფოკუსი!

შაშვივით პირს რომ არ ვაჩერებ, — სხვა ვინ გინახავთ...

მკვდრის გაგრძელება ცოცხალი ვარ, ხაზს არ გავწყვიტავ!

ნუ იტყვით — საიდან?

იმიტომ ვწერ, რომ ვინმეს გაუხარდეს...

მყოფს შეუძლია არმყოფში შევიდეს და არმყოფი მყოფში შეიყვანოს, მკვდარი — ცოცხალში. გუჯცხოვრებათ ეს სიტყვათწყობა? მეც ვიცინოდი, ბებოჩემი რომ შემელოცავდა.

დიდი ძალა მსუბუქს ვერ აწევს, მსუბუქთან ყველა ძალა — ცოტაა, ადამიანს უჯობს მწერს დაეტოლოს.

ნამდვილად არ არის ადამიანი მეხუთე სტიქია, — ადამიანი სრული ანტიპოდა სტიქიებისა: სტიქიები არ იცნობენ ადამიანს, ასეთია, ისეთია, არ აინტერესებთ, სტიქიებს მხოლოდ ერთმანეთის მოსპობა უნდათ.

არხინია ბუზიც ცხენის კუდეკვებ, სანამ ცხენი ძუას არ შეაშლის, ადამიანს უნდა რომ დედამიწის სიშიშველ იხილოს, უნდა, საბანი გადახადოს და შიგ შეუნვეს — ადამიანი ესწრაფვის ჯოჯოხეთს. თქვენ არ გინახავთ ზამთარში ჩვენი ტყეები — როგორც საერთო აბანოში: მუხები და ნიფლები დგანან, მინას კი რკოსა და წინიბოს მძებნელი ღორები თხრიან — ასე თავჩარგულს ადამიანს წიგნშიც ვერ ნახავთ, ისევ და ისევ პირუტყვში მეტია გულმოდგინება, ისევ და ისევ პირუტყვია ნიჭის ერთგული...

დედამიწა მდებრია, რას შობს, ვინ იცის, ალბათ ჩვენთვის წარმოუდგენელს, ხოცვა-ჟლეტვით, ცეცხლის ბუგვით, წყლის წარღვებით —

ადამიანს ვერ გააკვირვებს, მაგრამ რა იქნება, ხალხები რომ ტაშტებივით ერთმანეთში გადაიღვრება, ოთხივე სტიქიას რომ აუტყდება ერთურთში ჭიდილი და, მერე თქვენც იცით, — აღარ ვიდგები მეც ჩემს გორაზე, არც საყვირი შემრჩება ხელში, ბაგეზე სიტყვა გამიქრება, რადგან აღარ შემრჩება აზრი... მოვერიდები მეც თავის გამასხრებას და ვიფიქრებ გადარჩენაზე...

სხვას არ უთხრა შენი სიზმარი, თავს შევულოცავ.

7 დაე, შვილმა გალანძლოს მამა, დაე, იყოს მამა საძულველი, მაგრამ, მამას მაინც ნულა დაუძახებს.

თუ ღმერთს მოვწონვარ, მიზეზს ვერ ვკითხავ, თუ არ მოვწონვარ, მაშინ მამას ნულა დავუძახებ, ვიყო ასე, არიარეზე, ადამიანობას მივყვე უკან და ვიცოდე მხოლოდ ჩემნაირი...

ყველაფრამდე ცოტაა კაცი, სათქმელი ბევრი აქვს. გზა გრძელი აქვს დასახული — საქცევიანი, მინის გორიდან ცის კიკავებამდე — და, საგზლად კი ადამიანობა აქვს წამოღებული: მარილის კენიწი ვაცის ყვერის ქისაში... ადამიანობა საკმაოა ცხოვრების საგზლად? თუნდაც ერთი ნაბიჯისათვის?

ციდან დაშვებული სატყუარაა ადამიანი, თუ მინიდან ასული ორთქლი? ადამიანი... ხომ არა ვარ მეც ისეთივე?

— იქნებ მოვეშვა შეუძლებელს და ვარჩიო ჩემი გამოცნობა...

8 კაცის სავნოდ და საზიანოდ ღმერთს გუნება ჩაუბერია, მასმერე კაციც ისაა, რამდენსაც რომ მისდებ-მოსდებია, რამდენიც უტირია, რამდენიც უმღერია... რაც გინდა მწურთონ, მე მსაჯულად ვერ გამოვდგები, რაც ჩემშია, ყველაფერი ცოდვა მგონია:

რადგან, ცუდი სტუმარი ვარ, არსაითი ქალთ-მადევი და ეს ყოველთვის ართულებდა ჩემს არსებობას — გარეთ, მინაზე აგრესია ისე იზრდება, რომ ვეღარც სიტყვაში ეტევა და ვეღარც საქმეში — სამწუხაროდ, „სხვისი ცოდვა“ არ არსებობს, სხვისი მხოლოდ გისოსებია — ვითომ სამოთხეა და იქ ბევრი ადამ-ევეები...

რადგან: შვიდჯერშვიდი თაობის მერეც ადამიანი იგივე იქნება. რაც რომ იყო ცხრაჯერცხრა თაობის უწინ — ამიტომაც, თუ გსურს კაცი ძველს გადააჩვიო, გემო წაართვი, რასაც კაცი მიჩვეულია, ადამიანმა უკვე ზღო გემოსთვის, უდაბნოში დასვი, შორს ზალახისგან...

9 ცოცხალი კაცი ნაჭუჭშია, მკვდარი კი — ლივში, ლივი მკვდრის სულის ანტენაა, — ახსენე მკვდარი, გეხვეწები, ახსენე მკვდარი, მოგისმენს ღმერთი და უპატრონო არ ეგონება.

ცოცხალიც ახსენე, გეხვეწები, მოგისმენს ღმერთი და მოიკითხავს.

10 შენი ნება შენზე უწინ იყო, სწავლება გქონდა, ვიდრე გაჩნდებოდი, მაგრამ შენი ნაჭუჭის ნიბობზე მაინც იზრუნე, რა არნივი ხარ, როცა ყველა გატყაულ ჩიტს შეუძლია ბუმბული ნაგადროს, რა მოწმიდარი ხარ, ქალი დანვეს შენს ლოგინში და არ დაინვას...

11 ადამიანი, რომელიც კანონებს იხურავს, წვიმა არ ჩაუვა, ერთი კანონი — ერთი მგელია, კანონები — მგლების ხროვაა. ერთ მგელს კაცი მოიგერიებს, მგლის ჯოგში კი თოფიც ვერ უშველის, ხანჯალი არ გამოადგება,

შემოეხვევა მგლების როტო და ფოლაქსაც არ დაუტოვებს რას გავანათხოვრე, მე სულელმა, ჩემი გრძელი პალტო, ვეღარც ვის გავეუშლი, ვეღარც დავეუქოხებ, ქალი დასველდება...

12 ისე მძლავრია ეგოიზმი ადამიანში, რომ მკვდარი მშობელი შვილს საიქიოს არ გაუშლავნებს, არ უამბობს ის რა ხილია.

ნეტა რით არის წარმტაცი სიკვდილი? — ნუთუ სიცოცხლით, მის ლივში როა?


13 კაცში ორნაირია პირისკალაპოტი, რასაც სხვანაირად ნილაბი ჰქვია. ისედაც არაფერია ადამიანში, რომ ერთი იყოს —

ტანსაცმელიც ორია კაცისა — საშინაო და საგარეო, საგარეო, თავის წესით, ჩამოიხვევა, საშინაო კი ვეღარასდროს ამაღლდება საგარეომდე. მაღალყელიანი წულებიც კაცს საქმეს გაუჩენს — ერთს ჩაიცვამს, სულს მოითქვამს და მეორეს შეეჭიდება, მით უფრო, თუ მინის მბარავის წვივები აქვს და არა გლებ-აზნაურისა...

არც ერთი არ უნდა გააქილიკო, არ უნდა განსაჯო, რას ერჩი, მაყურებელი თუ შეიქცია... შიგნიდან გააქვს, გარედან შემოაქვს, შეტანილ-გატანილით არც აკლდება და არც ემატება. ასევეა სისულელე და სიჭკვიანე: სისულელეები რომ არ ჰქონდეს კაცს, მასხოვრობაც არ ექნებოდა. თუ გადაბრუნებულიც გცმია პალტო და გადმობრუნებულიც, მაშინ ჯამს ისე მოაკრიალებ, რომ გამკეთებელი თვალს ჩაგიჭუტავს.

როგორც კი თეფშს კოვზი მომიხვდება, მთელი წარსული ამიხმინდება...





ბესიკ ხარანაული

— ადამიანი: — ხომ არა ვარ მეც ისეთივე?..
ხომ არ მკუზავს მეც იგივე ცოდვა?
რადგან ყველა იმ სახით კვდება, რითიც იტოვდება...

ციდინ დაშვებული ეტრატი არავის უნახავს,
ამბობენ, რომ ტატუირებული ენასავითაა
და ვერაფერს ვერ ნაიკითხავ —
რა აზრი აქვთ ჩვენზე ცაში,
ვერასდროს გავიგებთ,
ვერ გავიგებთ, რას ფიქრობენ,
საითკენაც თვალს მივაპყრობთ ხოლმე ლოცვისას.
ადამიანს ყველაზე აზრი აქვს,
მაგრამ არ იცის, სხვები მასზე რასა ფიქრობენ,
არ იცის კურდღლის აზრი, არც მგლის, არც ვეფხვის,
ტანზე მიკრული მწერისაც, მათ შორის
და მელიაც ხომ თავს დაუმალავს...

16
კაცმა, თუ არ გაიხსენა თავის ასაკი, სულ ახალია!
სჯობს, ასაკი ახსოვდეს სხეულს,
თავი კი, დაე, ღრუბლებში დარჩეს.

კაცს, სადაც უნდა, მინა უმალ ამოეკუზება
და საძახებელ გორად ექცევა,
კენჭზეც რომ შედგეს, ლოგინშიც რომ წამოიმართოს,
ნაფოტზეც რომ ირწოდეს —
საძახებელი გორა იქნება...
ამიტომაც ძახილს ნუ მოიშლი,
კბილს ნუ ადგამ, ამოთქვი,
სხვანაირად სისხლი ჩაგექცევა...

სათქმელით კაცმა ცას და მინას რა უნდა აწყინო,
ზეცა უფრო გაგშორდება, მინა მოგიტემნს.

ადამიანი, სადაც იტყვის, მინა ამოეკუზება,
თუ სიტყვები ბაგეებს აწყდება
ამარილებულ ცხვრის ფარასავით...

17
ასჯერ ავაგე, ასჯერ დავარღვი,
მაგრამ ჩემი თავისა ვერაფერი გავიგე.
აი, ეხლაც, ნემსი და ძაფი ხელთ მიჭირავს:
ნემსი — რკინისა, ძაფი — კანაფისა —
ავაგებ ზედ სხვადასხვაგვარ პირისკალაპოტებს —
გამომშრალ ხილივით,
ზოგს — გალიმებულს,
ახალმთვარესავით ზემოთკენ პირართხმულს,
ზოგს — მოწყენილს, ჩამოლატკულ ზაგის კიდევით
და პირველ რიგში მოვიკითხავ:
ადამიანი, როცა გარბის, სახლიდან და, თუნდაც
სიცოცხლიდან,
ვისთან ერთად გარბის?
— თავის თავთან ერთად.
ვისგან გარბის?
— თავის თავისგან.

ვინც გარბის და ვისგანაც გარბიან, კაცი თვითონაა...

— ადამიანი? — ხომ არა ვარ მეც ისეთივე?

ხშირად, ერთუბრალოსაც სასწაული ჰქვია.

პირველი სასწაულია — რომ ჩვენ ვართ,
აგრეთვე,
სასწაულია — კაცის სწორი საქციელობა...

ადამიანი ხანდახან ისეთ დანაშაულს სჩადის,
დედამინაზე ვერ ეტევა, დადის, დადის,
რისხვის შემყრელ ხეებს ერიდება, ჯაგებში ტრიალებს...

— ჰეი, მოციქულო, ნუ ხარ ასე წმინდა, ლუკმა შემარგე!
ნუ იქნება ისე ადამიანი...

ადამიანი არაა ხე, ან ქვა, რომ მასში ბუნება ეძებო,
ადამიანი თავის ხელით აშენებულია,
თვითონ ეძებე...

დილას, რომ გავაღე ჩემი ქვიტკირის კარი,
ნატერფალი დამხვდა კაცისა,
თითქოს მგზავრი ჩემს წინ ამალდა.
— ვინ იყო ის, ვინც ამალდა?
— ადამიანი?
— ხომ არა ვარ მეც ისეთივე?

სიმხდალეს რა ვუთხარ,
თორემ, ადამიანიც კარგი მისაფურთხებელია,
მაგრამ, მერე ძებნა დაგჭირდება —
სხვა ვინაა ბუნებაში,
ვინაც რომ გტანჯა.

ნუ დაწყევლი, ვინაც გტანჯა,
დაწყევლილზე ვერ ამალდები.

— ადამიანი!
— ხომ არა ვარ მეც ისეთივე?

ადამიანი: ხომ არა ვარ მეც ისეთივე?

14
ნაცარზე დანერ თუ ფურცელზე,
სულ ერთია, ფიქრს იგერიებ.
წერა არის მ ო გ ე რ ი ე ბ ა...

მატყლის წინდასავით,
ადამიანიც წალმა-უკულმა ნაქსოვია:
ასჯერ ააგებს, ასჯერ დაარღვევს,
მაგრამ თავის ამბავს ვერ იგებს.

თითო ჯერზე ბედიც გცემს პატივს და კაცი გეგონება.

ადამიანი მომავალში ვერ იყურება, ვერც წარსულში,
არც გუბებზე ხტომა იტაცებს: ჩაარჭობს ჯოხს
წყალში, შეკრავს კამარას და გადაეველება...

მეტი რა უნდა!
ადამიანი ზღვაზე ცხენს ვერ გააჭენებს, იმიტომ, რომ
ბავშვობაში მუშლზე არ მჯდარა.

ადამიანი ვერც ოკეანეს გადაღვრის ტაშტივით.
სამყაროში რომ გაუშვა, დაიკარგება.

— რა ქნას?
— იყოს აქ?

— ადამიანი!.. ხომ არა ვარ მეც ისეთივე?

პალტოს კალთების გარდა მე სხვა ფრთები არ გამაჩნია,
ცხვირის გარდა არ მაქვს ნისკარტი.
გზა გორიხია, ბალახია, მწვერაველიც კია...

თვალეები გამომებურცა, ყურები გამეძაბრა —
ალაბლობისაგან.

თავი დოლისა, ტანი გარმონისა,
განე, ცხოვრება, ქალ-კაც-ბავშვიანო,
თმა-სავარცხლიანო, თვალ-სათვალთანო, ლამაზო,
ჭკვიანო, დაუკა, მოვდივარ მე, ცის კალთებიანი,
ფეხ-ფეხსაცმლიანი, ნალ-ლურსმანიანი...

— ადამიანი? ხომ არა ვარ მეც ისეთივე.

ნეტა სიცოცხლეს სიყვარულით გამოვეთხოვო,
ვიდრე ვმალავდე.

სიკვდილია ერთადერთი, ვისაც უყვარს ადამიანი.
განა უხეშია, განა აღრჩობს, განა ტყვიას ასობს...
რაც ადამიანის ხელიდან გამოდის,
იმას სიკვდილს ნუ დააბრალებთ.

ის კლავს ადამიანს თავის კულმინაციაში, მწვერვალზე
რომ ავა, აღმართს რომ აივლის... სიკვდილი დაჰკრებს
მას თაიგულად, სიკვდილს მიჰყავს ის სიცარიელეში.

მე მიყვარს სიცოცხლე, მაგრამ მწერიც ხომ ასე არის...
ღმერთო, შენ, კურთხეული ხარ:

დაადუმე ჩემი საძაგელი ენა,
შემიკარ ხელ-ფეხი.

არასერიოზულობა ხელოვნებაა.

გავდიოდი ეზოდან მარტოსული ბავშვი,
გავყურებდი გზას ჯვარედინამდე,
რამე ხორციელი რომ დამენახა,

დედაჩემი თუ შემოუხვევდა, ბრჭყვიალზე ვიცნობდი.
დედაჩემი ბრჭყვიალა იყო.
მივეგებებოდი, წამოფუძვებოდი,
პატარძალივით შემყავდა სახლში.

დედაჩემი ბრჭყვიალა იყო.
ყველაზე ბრჭყვიალედა და არ ელეოდა.
მას მერე ვიცი:

ისეთი არ დაგწერო,
რომ ცრემლებსგან ველარ დავინახო.

15
ყველაფერზეა წიგნი,
მაგრამ თაროებზე არსადაა — „ადამიანი“,
ვიცი თუ უცოდნელად!
ამიტომაც არვინ ეძებს.

მე არ მინახავს ბიბლიოთეკაში ვინმეს მოეკითხა
„ადამიანი.“
ვეფხვე არის წიგნი, მგელზე არის, ბალახებზეა,
ადამიანს კი ვერაფერი ვერ დაენია,

რადგან პირველი აქტიორია მთელ სამყაროში
და მგორიალე ქვას, მითხარი, აბა, რომელი მიჰყავა?
ვინ მოუყრის თავს კაცის სურვილებს,
ვინ დაადგენს იმის ბუნებას —

ვეფხვი ხომ არ არის, მგელი ხომ არ არის,
ბალახი ხომ არა...

ადამიანი ყველაფერშია, რაც კი დაწერილა
და არაფერია მასზე დაწერილი,
იმიტომ, რომ „ერთი“ არის მისი ნამდვილი სახელი...

ერთი — მწვერვალია,
ერთი არის მშვენიერება,
ერთია სიკვდილი...

ყველამ იცის მისი სახელი,
ყველამ იცის, რომ თვითონაა,
მაგრამ, ვინც პირველი ცოდვა დაიდო —
გავდებული ჰყავს ყველას თავიდან,
დანანალებს და არავინ იწებებს
და წინაც რომ დაუყენო, თვითონ არ იქნება.

არავინ იტყვის:



სოფო ნულაია

დაბადება

„მე იმაზე მეტად როდი ვარ დედაშენი, ვიდრე ღრუბელი“... სილვია პლათი

გამხმარი ხის ძვლებივით აშრილდა ქარის შეხება ქალის სხეულზე და სახლმა, სადაც აკვანს მუდამ სიკვდილის სუროსფოთლებშემოკრული ხელი არწევდა, ჩვილის ტირილი გამოისხა მზისფერ მტევნებად. — ბავშვი საიდან? — კითხულობდა უცნობი მგზავრი, — ამ ქუჩაზე ხომ კაცს არასდროს არ ჩაუვლია?! ამ გზაზე მუდამ აფხიზლებენ დაგეშილ მწვერებს და თუკი ვინმეს ასახვევთან თვალს შეავლებენ, მივარდებიან და მჭლე ფერდებით მტვერსასრუტივით შეისრუტავენ იმედების და სურვილების კამკამა ბელტებს. და რა იცოდა უცნობმა მგზავრმა, რომ ბავშვს, რომელიც ქალს აქამდეც უნდა ჰყოლოდა, მის გარდა ყველა ქალი აჩენდა, მაგრამ მაინც ველარაფრით ვერ დაიბადა. მერე ღრუბლებმა გადაწყვიტეს მისი დეობა — განიერი თეძოები კიდევ უფრო გადაითქვირეს, ფიქრებიდან და სიზმრებიდან გამოვიგნეს ყველა სათუო წვიმა და თოვლი, ყველა გზა და მთა, რომელიც უნდა გადაეტბორათ და ტკივილების გასაყურებლად ათასობით ცის მტვერი ყლაპეს, ძლივს გაჩენილი პატარა ბავშვი კი იმ ქალს მისცეს, მარტო რაფასთან იეზივით ჩუმად ჯდომა და მოლოდინი რომ იცოდა და დედობისთვის ერთხელაც კი არ უბრძოლია... ქალს კი, როგორც კი ჩვილს შეხედა, სიხარულისგან ფრთები დასცვივდა — ველარასოდეს ვერ შეძლებდა სადმე გაფრენას, ველარც იმ კაცთან, სულ რომ ელოდა, მაშინაც კი, როცა იცოდა, რომ დაივინყა და არასოდეს დაბრუნდებოდა. და იმ წამიდან ყველა ტკივილი მხოლოდ სიმშვიდის ხმას ასხივებდა და ყველა იმედს მარტო იმედის სურნელი ჰქონდა — ეჭვებისა და შიშის ბასრი გემოს გარეშე. და ყველა გზაზე ბავშვთან ერთად რომ გადაკენკა, ქაცვის ადგილას ცრემლიანი ია აყვავდა და ჯოჯოხეთი სამოთხედ იქცა.

გაბრიელს

„მენატრება დედაჩემის პური“. მაკმუდ დერვიში

ჩემი ეზოს უნაყოფო ხეებმა — ცხოვრებაში ტანზე ფოთოლიც რომ არ გამოსვლიათ — პეპლები გამოისხეს,

ჩემი ოთახის უსახურ ქალზე ფერადი ჟღარუნები თვალებს რიტმულად ახამხამებენ, ყველა მუქ კაბას ტანზე ჭრელმა ყვავილებმა გამოაყარა, ამომშრალი და ძირგათეთრებული აკვარიუმები ოქროს თევზებით გადაგვევსო; როცა გამხმარ ხესავით უშნოდ გაფშევილ, როცა სიცოცხლეგამოცლილ სხეულზე შენი პატარა ხელისგულები მხეხება, მგონია, გამხმარ ფიქრებში რძე მიდგება, მერე სათამაშო ჰარმონიკასავით ნელ-ნელა იშლება ჩემი სული და სანამ ისევ შეიკუმშება, ვცდილობ, რაც შეიძლება ღრმად შევისუნთქო, როგორმე მომდევნო ჩასუნთქვამდე რომ გიმყოფინო... სადაც არ უნდა ვიყო, რომელი ქვეყნის ცა არ უნდა მეხუროს თავზე რკინის მუზარადივით და რომელი ქალაქიც არ უნდა მანვეთებდეს ყურებში უსახურ ხმაურს, შენი სურნელი ყველგან მესმის, შენს გულისცემას ყველგან ვაყურადებ, ვითვლი და ვდარაჯობ... შენს გაღიმებას ყველგან ვუღიმი... რაც შენ მყავხარ, მეჩვენება, რომ ჯერ პატარა, უფანჯრო ოთახში რამდენიმე საათით ვიყავი ჩაკეტილი, მერე კი ვილაც ძალიან ახლობელმა შემთხვევით მიპოვა და ჰაერზე გამომიყვანა... შენთან პირველი შეხების წამიდან ისე ვანათებ, თითქოს: სისხლის და ძვლების, მარტოობის და მძიმე სამსახურის, ნასრული ტკივილებისა და სიკვდილების ნაცვლად დინოფლაგელატებისგან შევდგები. ვერ ხვდები, ეს რას ნიშნავს, არა? როცა გაიზრდები, აუცილებლად აგიხსნი, შვილო! მანამდე კი: ჩვენ სულ გვექნება ერთი ნაჭერი პური, პური, რომელსაც არასდროს გავყოფთ შუაზე. რატომ? იმიტომ, რომ ის მთლიანად შენი იქნება. მე რას შევჭამ? მე ძირს დაყრილი რამდენიმე ნამცეცითაც შევძლებ ყრუ შიმშილის გამოკვებას; იქნებ, ჩვენს პურზე კარაქი და ხიზილალა ვერ გადაგისვა, მაგრამ სახლში ერთი ნაჭერი პური სულ გვექნება. ჩავიცვამ ჩემს ერთადერთ დაბებკილ კაბას, თავზე გვერდებშემორღვეულ თავშალს წავიკრავ და პურის ყანების დასალენად წავალ, ხორბლის დასაფქვავად წავალ და ნისქილებს ჩემი წვრილი მავლებით დავატრიალებ, მერე ცომის მოსაზულად წავალ, და პურსაც მე გამოვაცხოხ...

გპირდები, ჩვენ სულ გვექნება ერთი ნაჭერი პური და შენ ვერასდროს იგრძნობ მასში ჩალვრილი ჩემი სისხლის და ცრემლს გემოს, ჩემი ტკივილების გემოს, უბრალოდ გეგონება, რომ შენი დედიკოს გამომცხვარ პურს სულ სხვა გემო აქვს და ამქვეყნად ყველა პურზე გემრიელია.

გაუზნაველი ნარილაი

გიოს

N6

ვამბობ: — არასდროს მიყვარდი სხვების დასანახად... უშენო დღეები კი აჯანყდნენ და ჩემს გადასათელად დაიდრნენ. ისე მოძრაობდნენ, თითქოს, ვინმემ დაარაპიდა — ნელა და ტლანქად, რომოკოპებივით. ამ დროს კი ჩვენს შორის განოლილ ორ ოკეანეს თევზები ღრღინდნენ თავიანთი მდუმარე ლაყურებით და რიფებთან ერთად სიყრუე იწვა ჩემიდან შენკენ, შენიდან ჩემკენ დაძრულ ყინულმჭრელ გემებს კი ცვილის საჭრეთლები ჩამოედევნათ და აისბერგებს მიეყინნენ, მაგრამ მე მაინც გელოდებოდი, იმიტომ, რომ არასდროს მყვარებხარ სხვების დასანახად, მერე რა, თუ სხვის თვალში ასე ჩანდა. მერე რა, სხვებს ასე თუ ეგონათ.

N7

ძილის წინ თვალეში ზღვას ვინვეთებ და გაფართოებული გუგებით მარტო იმას ვხედავ, რისი დანახაც შემიძლია და არა იმას, რასაც მინდა, რომ ვხედავდე. დიდა ჩემი ტკივილი, იმდენად დიდი, რომ შუქს ისხლიტავს და მდუმარე წყვილადში მარტო შენ გხედავ. — შუქი არ ჩააქრო, ხელი არ გამიშვა! — გეუბნები და შენი შეხებებისგან გაცრეცილ სხეულს სიზმრებში ვანობ, მერე აივანზე გაბმულ თოკზე ჩიტვივით დავსვამ და ვცდილობ, დარდისგან ბოლომდე გამოვავრო. ჩემზე დიდა ჩემი დარდი, იმდენად დიდი, რომ კანი ვერ აკავებს და სხეულის სხვადასხვა ადგილიდან ზეთივით წვეთავს და იატაკს სვრის. მინდა, ვერასდროს დავინახო ის, ვინც შენთან მაშორებს, მინდა, სარკეში რომ ჩავიხედავ, ჩემს თვალებს ეჭვის მარცვლები არასდროს დასცდეთ, მაშინ კი, როცა ცუდად ვიქნები, მინდა, მოხვიდე და მუხლები დამიკოცნო, თითებმა ფრთხილად გადაისრილონ იმ იარებზე, ჩემმა მკვდარმა ბავშვობამ რომ დამიტოვა... მინდა, ქვიშიანი ზედაპირი ხელის გულებით მომისწორო, იარებქვეშ ჭაობად ჩაგუბებული დარდი და შიში სიყვარულად გადაადნოს შენი ხელების სიმხურვალემ... სული შეუბერო ჩემს ტკივილს — ჩაქრეს.

არ დაუშვა: მტვრად, ფერფლად, მლოგვის მარცვლად, უნაყოფო ხედ, დაუმუშავებელ მინად, გამოკეტილ ნესტიან ოთახად, მკვდრებისგან დაცლილ სასაფლაოდ, მკლავებამოკერილ კაბად, მტრედებისგან გულგამოკორტნილ პურად და სხვების გზებად ვიქცე... იქნებ, როგორღაც გადაფაროს ეს ტკივილი შენმა შეხებამ, იქნებ, დარდი ქვიშაზე დაბეჭდილ ნაფხურებივით უკვალოდ გაქრეს... არ დატოვო ჩემი ტკივილი უყურადღებოდ, არ დაგეზაროს ჩემთვის თოვლში იების ჩარგვა — გაიხარებენ, ჩემი მოსმენა არ დაგეზაროს, არაფერს გეტყვი, უბრალოდ მინდა ვიგრძნო, რომ მისმენ.

N8

არ მომიყვე შენი უჩემო ამბები, მეც არაფერს გეტყვი; უღელივით დავიდგამ უშენოდ გავლილ ყველა გზას კისერზე და იმდენ ხანს დავიგუბებ ყელში მდუმარებას, სანამ არ გადამცდება და არ დამახრჩობს; ჩვენ არ უნდა ვიცოდეთ უერთმანეთო ამბები ერთმანეთზე,

ჩვენ უნდა გვჯეროდეს,
რომ ერთმანეთის გარდა არასდროს არაფერი ყოფილა —
არც სიხარული, არც ტკივილი...
ამიტომ ფრჩხილებით აყერი ყველა ამბავს —
თითქოს ვილაცი ცუდად დაგებული ასფალტია
და გეტყვი:
— გელოდებოდი!
შენ კი მეთყვი:
— ვიცი, მოვედი!

სიყვარული

— გქონიათ სექსი სახურავზე, ღრუბლებთან ახლოს? —
მკითხა გოგონამ,
რომელსაც მონდომებით და თავგანწირვით ვუხსნიდი,
რომ შოპენი თან მსუბუქი, თან კი ძალიან ღრმაა,
ამიტომ მისი შესრულებისას კლავიშებს ფრთხილად,
მაგრამ მაინც მყარად და ძლიერად უნდა შეეხო.
ისე მინდოდა, შენთვისაც მომეყოლა ეს ამბავი,
მაგრამ სითამამე და გამბედაობა არ მყოფო.
მართალია, ოცდაათს კარგა ხნის წინ გადავაბიჯე,
მაგრამ მსგავს თემებზე საუბრისას
ჯერ კიდევ ვნითლდები,
შენზეც ყოველთვის ისე ვწერ,
თითქოს, არასდროს შემხებიახარ,
თითქოს, არ არსებობ, არც არასდროს არსებობდი,
თითქოს, ძვლებიდან ამოზრდილ წვრილფეხა ხორკლებს
კინტიკური ქვიშის როლი არასდროს შეუსრულებიათ;
შენთან ისევ ვეროპის ისლამიზაციაზე
საუბარი მირჩევნია,
გადაჩადრებულ, გადაბურკებულ, გადანიქაბებულ
საფრანგეთს, გერმანიასა და ბელგიას
უფრო ადვილად და თამამად ვეხები,
ვიდრე შენ,
ან ჩვენს უკვე დიდი ხნის წინ
გადამნიფებულ სიყვარულს.

არც ის მახსოვს, როდის ვისწავლე თვალბის დახუჭვა —
ისე დაძინება, რომ ჩემს გვერდით
შენი არსებობით გამოწვეული სიხარულისგან მოგვრილ
უძილობას თავი ძირში არ წაეკიჩა.
მე ჩვენი უკვე გაზრდილი შვილების
ბუნდოვან მომავალზე
გაცილებით ნელგამართული და
თავანუელი გესაუბრები,
ვიდრე შენზე და ჩემზე.
იმედენი ხანია, ერთნი ვართ, ამაზე საუბარი უკვე
ძალიან უადგილო და უხერხული მეჩვენება;
ამასწინათ კი პატარა გოგონამ
სრულიად მოულოდნელად სექსზე მკითხა:
— სახურავზე — მზესა და ღრუბლებთან ახლოს თუ
გქონიათ და ვერაფერი ვუპასუხე;
რალა დროს ჩემი ასეთებია.
მე და შენ უკვე ისე გავზარდეთ და
დავამნიფეთ ერთმანეთი,
წლებია, შვილები აღარ გვქვია — მშობლები ვართ,
შვილებთან ინტიმურ თემებზე საუბარი კი
ყოველთვის რთული და უხერხულია.

სიკვდილი მიჯაჭო არ არის

მე დაბერებას ვეღარ მოვასწრებ — ჩუმად მოვკვდები
ძველ უბანში, ჩემს სახლთან ახლოს,
მეგობრები კი შეეცდებიან,
რკინის პატარა ჯვარი აღმართონ იმ ადგილას,
სადაც დავმთავრდი,
ანუ გავგრძელი მეორე გზიდან
და იმ წამიდან ყველა ნაცნობს და
ყველა უცნობს ვაიძულებ
ძლივს ნასწავლი პირჯვრის წერის
რკინის ჯვართან მექანიკურ გამოვრებას;
და მე ვიქნები ყველაზე მშვიდი, ანუ ისეთი,
როგორად ყოფნაც აქ ვერ შევძელი
და იმ დღიდან აღარავის არ დავისიზმრებ,
მეც აღარავის დავესიზმრებ,
რომ არ ეგონოთ, თითქოს,
მინდა მათი წაყვანა უხორცო სახლში.
და როცა ჩემს ჯვარს დაატყდება
ატმების და ქერმების თოვლი,
ყველა იტყვის, ვინც კი მიცნობდა, ვისაც ვიცნობდი,
რომ ვაკლივარ მათ ცხოვრებას როგორც სურვილი —
ვერავისთვის ვერ გამხელილი, მაგრამ საჭირო;
ჩემს ლოგინთან ვერ იპოვიან გაბნეულ ფიქრებს,
უძილო სიზმრებს,
ძილში შეკრთომებს,
უსახლო ტკივილს
და მარტობას
ჩემს ლოგინთან ვერ იპოვიან,
იქ დახვდებით ძმები გრიმების ზღაპრების წიგნი
და იტყვიან, და თუ მაინც არ იტყვიან, გაეფიქრებათ,
რომ აღარ იყო ამის კითხვის დრო და
არც ადგილი ჩემს ცხოვრებაში.
მათ არ იციან — ან საიდან ეცოდინებათ,
პატარა გოგოს დედობისთვის რომ ვამზადებდი დიდი
ხნის წინათ გამოფიტულ, გამოხრულ სხეულს,
ზოგჯერ ასე რომ უნდებოდა სხევის სიკვდილი, ან
თავის მოკვლა — გადაფრენა ღია ფანჯრიდან.

ჩემს გაფუჭებულ ლეპტოპთან მივლენ,
ბევრს ეცდებიან ჩართვას, მერე რესტავრირებას,
მაგრამ ვერაფერს გახდებიან,
იქ კი უკვალოდ ჩაკვდებიან ჩემი ძველი ჩანაწერები —
დანერვიდან სულ ცოტა ხანში რომ გაცხადდნენ
და ძმრად მადინეს ყველა ამბავი, რაც მოვიგონე
და როგორც კი გამოვიგონე, იმწამსვე ახდა.
ჩემი ქმარი კი, იმის ნაცვლად, მე გამიხსენოს,
გაიხსენებს კაფკას პრადამი
ჩვენს უკანასკნელ მოგზაურობას —
ქალაქში, სადაც თითქმის არ ვჩანდი,
იმიტომ, რომ ვერ ვისწავლე მთავარი როლის ტანზე
მორგება და შესრულება...
მეორეულ მოგონებებს ამოქექავენ ძველი სკივრიდან
ჩემი მშობლებიც, მეგობრებიც, და-ძმაც
და შვილიც...
დავკლდები, მაგრამ ადვილად გადაიტანენ
მათ უჩემობას, ჩემს უმართობას...
სულ ცოტა ხანს იხმაურებს საძინებელში ჩემი სუნამო —
კენზო „ჯუნგლე“ —
დაბნეული შეასკდება კედლიდან კედელს,
მერე ისიც დადუმდება იმ კუბოსავით,
ნელ-ნელა რომ ჩამკეცეს და
ჩემოდანივით დამახურეს სახურავი
დაკეცილ თემებზე.
როცა მოგვედები, ჩემებს მარტო ის ემახსოვრებათ,
რომ ჩამქრალ სულში ზღვების სურნელს და
მინის სურვილს ვინახავდი,
მაგრამ ვერავინ ვერ გამოიცნობს, როგორ მინდოდა,
ყოველთვის ყველას, ვინც კი მიყვარდა, ვისაც ველოდი,
ჯერ ჩემს თვალბის ჩაეხედა და მერე ეთქვა,
რომ სიკვდილი არაფერია —
რომ სიკვდილი სიყვარულში ვერაფერს შეცვლის!

პოლიტიკის ჯვრისწარა

როცა პირველად დაგინახე,
ქვის სავარცხელი მთელი ძალით ჩამოვიხვი.
უსწორმასწოროდ,
მაგრამ მაინც დაცალკედა ერთმანეთისგან
ორი მდინარე;
ოქროს თევზები ჩამომცვივდა
და წყლით სავსე გახეთქილი ბუშტებივით
დაენება ხორკლიანი კიბის საფეხურებს;
ერთ-ერთზე ფეხი აგისრილდა,
შემომხედე
და იმ წამიდან
მკერდთან დასმული წითელი დალი
ნიკაპთან ამოსულ ბავშვობის იარის
ცვილისფერი ნაფეხურისკენ
მიიზღაზნება —
თან ერთი სული აქვს,
სამუდამოდ შეენებოს,
თან ფიქრობს, შეძლებს თუ ვერა,
გამოუვა თუ ვერა მასთან თანაცხოვრება.
სულ მენატრები
და ყოველ ჯერზე თითო ნეკნს ვიცლი,
მზეზე ვაშრობ,
მერე ფილთაქვაში ვნაყავ,
ბოლოს ყავის საფეხავში ვფეხავ,
ნაყენს ვიმზადებ და სულმოუთქმელად ვსვამ —
იქნებ, ერთხელაც, მოგაფიქრდეს
და სამუდამოდ ამოშრე ჩემგან, ან სამუდამოდ დარჩე...
ძალიან გამიჭირდა...
გულსაც უჭირს ჩირქისა და ჭაობის
გემოს ხანგრძლივად სუნთქვა.
აქვე ხარ — პარაფინის შადრევნის მეორე მხარეს,
სანოლის კიდესთან და მეშინია —
ისე თუ მოხდა,
კიდევ ერთხელ ვერ შეგიგრძენი,
ჩემს სხეულზე ფეხი აგიცდება
და ქერს შეასკდება.
ჩემი ჩალისფერი თმები ჯერ კიდევ
სხვადასხვა ფერის ორი მდინარეა,
მე კი ჯერ კიდევ მათ შესართავთან ვდგავარ
და გელოდები...
ვიცი, რომ მოხვალ...
ან აღარ მოხვალ...
მერე რა მოხდა...
რა მნიშვნელობა აქვს, მოხვალ თუ არა ...
მთავარია, რომ არსებობ...
მეც ვარსებობ...
და იქნებ, ოდესღაც სისხლიდან თითო-თითოდ
ამოვკენკოთ პოლიეთილენის ნარჩენები,
ტკივილისა და ეჭვის ნარჩენები...
მერე გადავადნოთ და გიგანტური
ჯვრისწერის სანთლები დავამზადებინოთ;
დარჩენილი მასისგან ბეჭდები გამოვძერწოთ...
თუ რამე გადარჩა, სხვებსაც ვუწილალოთ...
ჩვენი სიყვარულიც ვუწილალოთ,
იქნებ, როგორ სჭირდებათ.
იქნებ, შევძლოთ ერთმანეთის გადარჩენა,
იქნებ, ღმერთმა კიდევ ერთხელ გადმოგვხედოს,
იქნებ, კიდევ ერთხელ გავმთლიანდეთ...



ნანა ეხვია

ერთმა ნაცნობმა მითხრა:
„ჩემი ნებით და სურვილით
ნამდვილად ვერ გიცნობდი,
თვითონ რომ არ გეთქვა,
ვინ იყავი“ —
მართლაც, როგორ მიცნობდა,
მის წინაშე ადრინდელი
ყოჩაღი კომკავშირელი
გოგონა კი არ იდგა,
არამედ მონაზვნურად
თავსაფრიალი დედაკაცი.

სალექსიკონო ერთეული:
სინდისიც კარგი საქონელია —
საქონელი და პირ-უტყვი რომაა,
იმიტომ ვერ გუობს ვერავინ.

რით არ მოგბერდათ
„მე ვარ და ჩემი ნაბადი“?!
რა იქნება, დამოშმინდეთ
და მშვიდად, ბეჯითად
აშენოთ ქვეყანა.

სუსტი ლექსი:
კატასტროფა —
სტროფი, სადაც
კატამ გადაურბინა
ავტორს
და აუმღვრია რიტმი.

ვისაც ვეძებდი,
აღმოჩნდა ღმერთი,
მე კი მეგონა,
ადამიანი ამომივსებდა
სიცარიელს.

სალექსიკონო:
სამართალი —
იობივით მართალი კაცი,
რომელსაც რკინის ქალამანი
არ სჭირდება.

